

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Peter Haarers Beschreibung des Bauernkriegs 1525

Harer, Peter

Halle, 1881

Das 41. Cap

[urn:nbn:de:bsz:31-326211](https://nbn-resolving.org/urn:nbn:de:bsz:31-326211)

kont der Marschalck nichts besonders gegen ihnen mehr handeln, ohn allein daß der Bawren in der Flucht an 60. erstochen vnd niedergelegt worden seind.

Das 41. Cap.

Wie solche Bawren geflohen, vnd einem andern Hauffen bey der Newstatt zugezogen seind.

Dißmal in der Nacht, machten sich die gemeldte Bawren all flüchtig davon, gegen dem Gebürg zu, mehrten sich vnder Wegen, zogen dem Obernhauffen bey der Newstatt zu, namen Wachenheim den Pfalzgräffischen Flecken ein, blieben daselbsten still ligen, machten ihr Verbündnuß mit dem bey: vnd angelegenen Hauffen, vnderliessen nit, alle Dörffer daselbsten umbhero, die ihnen gelegen waren, zuerfordern vnd an sich zu ziehen, Dißmal ward auch Limburg das Aptey Schloß auffm Berg, vnderhalb Wachenheim gelegen, (wie die vestigia vnd vberbliebne Gemäur noch zur zeit weisen) eingenommen vnd geplündert.

[50]

Das 42. Cap.

Welcher massen der Pfalzgraff sich mit diesen beyden Hauffen vertragen.

Als nun die ding allenthalben in: vnnnd aufferhalb, Arings herumm vmb das Fürstenthumb, sich so erschrocklich, grawsam vnd hefftig begeben vnd zugezogen, ward auß allerhand bewegnußen, besonder weil man geneigt war, die Vnderthanen durch die Güte, dann durch den Ernst vnd Gewaltthaten zu stillen, auch das Christen Blut zu vergiessen als viel möglich, zu verschonen, Ist Pfalzgraff Ludwig durch die Burgerschafft in der Newstatt, (ohneracht ihres abfallens) verursacht worden, gegen dem Hauffen zu Wizingen gütliche Gespräch vnd Vnderhandlung zu werben, vnd vorzuschlagen, welche auch also von gemeinem Raht beß andern Gawischen Hauffens Hauptleuten vnd Vorstehern zugelassen, verstatt vnd be-